

神輿本經會通

氣冷無毒

本經云潤五臟止消渴開胃解酒毒主老癖能爲
寒熱者及婦人血塊煮食之此物性雖冷乃與丹
石相反服丹石人食之令腹結痛○陶隱居云煮
而食之能醒酒○初虞世云療湯火傷取殼灰火
燒研爲細末油調塗之有神効○丹溪云蛤蜊濕
中有火○
蜆音顯○小於蛤○黑色○生於水泥中○用者宜辨
之○

氣冷。無毒。

本經云。治時氣。開胃。壓丹石藥。及丁瘡。下濕氣。下乳。糟煑服良。生浸取汁。洗丁瘡。多食發嗽。并冷氣。消腎。○陳殼。治陰瘡。止痢。○蜆肉。寒。去暴熱。明目。利小便。下熱氣。脚氣。濕毒。解酒毒。目黃。浸取汁服。主消渴。○爛殼。溫。燒爲白灰。飯下。主反胃吐食。除心胃痰水。○殼。陳久者。療胃反。及失精。○丹溪云。濕中有火。

蚌

氣冷。無毒。○一云寒。

本經云。明目。主消渴。除煩。解熱毒。補婦人虛勞。下血。并痔瘻。血崩。帶下。壓丹石藥毒。以黃連末內之。取汁。點赤眼。并暗良。○爛殼粉。飲下。治反胃痰飲。此卽是寶裝大者。○又云。蚌粉。冷。無毒。治疔。止痢。并嘔逆。癰腫。醋調。傅。兼能制石亭脂。○陳藏器云。據陶云。大蛤乃蚌。按蚌寒。煮之。主婦人勞損下血。明目除濕。止消渴。老蚌含珠。殼堪爲粉。爛蛤爲粉。飲下。主反胃。心胃間痰飲。生江溪渠瀆間。陶云大

蛤誤耳。○食療云。蟬大寒。主大熱。解酒毒。止渴。去
眼赤。動冷熱氣。○丹房鏡源云。蟬粉。制硫黃。○丹
溪云。濕中有火。

蟻。○有毛。似蛤長扁。

本經云。殼燒作末。服之。主痔病。○陳藏器云。殼燒
作末服之。主野雞病。人食其肉無功用也。

車螯。○是大蛤。一名蜃。能吐氣爲樓臺。海中春夏間
依約島淑。常有此氣。

氣冷無毒。

本經云。治酒毒。消渴。酒渴。并壅腫。○殼。治瘡癰腫。毒。燒二度。各以醋鍛。擣爲末。又甘草等分。酒服。以醋調。傅腫。○食療云。車螯。蜴螯類也。不可多食之。○陶隱居云。亦可爲食。無損益。不見所主。

蚶。○出海中。殼如瓦屋。

氣溫。○又云。無毒。

本經云。主心腹冷氣。腰脊冷風。利五臟。建胃。令人能食。每食了。以飯壓之。不爾。令人口乾。又云。溫中。消食。起陽。味最重。又云。主心腹腰腎冷風。可火上。

煖之。令沸。空腹食十數箇。以飲壓之。大妙。又云無
毒。益血色。○殼燒以米醋三度淬後埋令壞。醋膏
丸。治一切血氣冷氣癥癖。○晷經云。補中。益陽。所
謂瓦屋是也。

蛭。○生海泥中。長二三寸大如指。兩頭開。

味甘。氣溫。無毒。○又云寒。

本經云。補虛。主冷利。煮食之。主婦人產後虛損。主
胃中邪熱。煩悶氣。與服丹石人相宜。天行病後。不
可食。切忌之。又云。蛭寒。主胃中煩悶邪氣。止渴。須

在飯後食之佳。

淡菜○又名蛤菜。○一名東海夫人。○生東海。似珠母。一頭尖。中銜少毛。

氣溫。○又云。溫無毒。○一云。味甘溫。○一云。大甘美。

本經云。補五臟。理腰脚氣。益陽事。能消食。除腹中冷氣。消疝瘕氣。亦可燒令汁沸出。食之。多食少煩悶。目闇。可微利。卽止。北人多不識。雖形狀不典。而甚益人。又云。溫無毒。補虛勞。損產後血結。腹內冷。

痛。治癥瘕。腰痛。潤毛髮。崩中。帶下。燒一頓令飽。大
効。又名殼菜。常時頻燒食。卽苦。不宜人。與少米先
煮熟。後除肉內兩邊鏤及毛了。再入蘿蔔。或紫蘇
或冬瓜皮。同煮。卽更妙。○陳藏器云。味甘。溫。無毒。
主虛羸勞損。因產瘦瘠。血氣結積。腹冷腸鳴。下痢。
腰疼。帶下。疝瘕。久服。令人髮脫。取肉作臠。宜人。發
石令腸結。新注云。此名殼菜。大甘美。南人好食。治
虛勞傷憊。精血少者。及吐血。婦人帶下。漏下。丈夫
久痢。並煮食之。

蝦○小者生水田及溝渠中有小毒○鮓肉者甚有
毒○陶隱居云腹下通黑者不可食生蝦鱠亦不
可合鷄肉食之亦損人○一云平。

本經云無鬚及煑色白者不可食小兒患赤白遊
腫擣碎傅之○陳藏器云食主五野雞病小兒患
赤白遊癩擣碎傅之煑熟色正赤小兒及雞犬食
之脚屈不行江湖中者稍大煑之色白陶云白者
殺人非也海中有大者已出拾遺條中以熱飯盛
密器中作鮓食之毒人至死○食療云平動風發

瘡疥。

蜻蛉○一名蜻蜓。俗呼胡梨。○此有五六種。當用青色大眼者良。六足。四翼。好飛溪渠側。

氣微寒。○一云涼。無毒。

本經云。強陰。止精。○日華子云。壯陽。暖水藏。入藥去翼足。炒用良。

蝟皮○臣也。得酒良。畏桔梗。麥門冬。○惟蒼白色。脚似猪蹄者佳。鼠脚者次。○勿用山枳鼠皮。正相似。毛端有兩岐爲別。虎鼠皮亦相類。肉味酸爲別。山

蝟皮類兔皮頗相似其色褐其味甚苦凡此皆不堪用尤宜細識○取無時勿使中濕
味苦氣平無毒○一云味甘有小毒

本經云主五痔陰蝕下血赤白五色血汗不止陰
腫痛引腰背酒煮殺之又療腹痛疝積亦燒爲灰
酒服之○陳藏器云蝟脂主耳聾可注耳中○皮
及肉主反胃炙黃食之○骨食之食人瘦諸節漸
縮小○肉食之主痿○藥性論云蝟皮臣主腸風
瀉血痔病有頭多年不差者炙末白飲下方寸七

燒末吹。主鼻衄。甚解一切藥力。○孟詵云。蝟食之。

肥下焦。理胃氣。○其脂可煮五金八石。○皮燒灰。

酒服。治胃逆。又煮汁服。止反胃。又可五味淹炙。食。

之。不得食。骨令人瘦小。○日華子云。開胃氣。止血。

汗。肚脹痛。疝氣。○脂。治腸風。瀉血。○食療云。謹按。

主下焦弱。理胃氣。令人能食。○其皮可燒灰。和酒。

服。及炙令黃。煮汁飲之。主胃逆。細剉炒令黑。入丸。

中。治腸風。鼠妳痔。主腸風痔瘻。可煮五金八石。與。

桔梗。麥門冬。反惡。○又有一種。村人謂之豪猪。取。

肚燒乾和肚屎用之搗細末。每朝空心溫酒調。二錢匙。有患水病鼓脹者。服此猪肚一箇。便消差。此猪多食苦參。不理冷脹。只理熱風水脹。形狀樣似蝟鼠。○肘後方。治腸痔。大便血。燒蝟皮傳之。○簡要濟衆云。治脉痔。下部如蟲齧。蝟皮燒末。生油和傳之。佳。○局云。蝟皮專主腸風痔。療疔仍除陰蝕瘡。更治下瞧。開胃氣。燒灰酒服。乃爲良。○蝟皮主痔。下血。腸風。

原蠶蛾。○入藥取雄者。原再也。是第二番蠶。以其敏

於生育也。此是重養者。俗呼爲晚蠶。○用之須晚
出者。不用食柘者。○入藥炒用。○局云。去翅足微
炒用。○雄者有小毒。○一云熱。○一云平。
味鹹温。

本經云。主益精氣。強陰道。交接不倦。亦止泄精。○
日華子云。晚蠶蛾。壯陽事。止泄精。尿血。暖水藏。又
治暴風。金瘡。凍瘡。湯火瘡。并滅瘡癩。入藥炒用。○
晉經云。益陽方中多用之。今方治小兒撮口。及發
噤者。取二枚。灸黃。研末。蜜和。塗口脣。便差。○局云。

蠶蛾性熱強陰道。更治遺精益腎家。若療血風宜
用退痺風癭癩。用蠶沙。○原蠶蛾。主洩精強陰道。
原蠶屎。○一名蠶沙。○用之須晚出者。入藥炒用。
氣溫無毒。

本經云。主腸鳴消渴。風痺癭癩。○陶隱居云。多入
諸方用。不但慰風而已。○陳藏器云。淨收取。晒乾。
炒令黃。袋盛浸酒。去風緩諸節不隨。皮膚頑痺。腹
內宿冷。冷血瘀血。腰脚疼冷。炒令熱。袋盛熱熨之。
主偏風。筋骨癱緩。手足不隨。及腰脚軟。皮膚頑痺。

○日華子云。治風痺頑疾。不仁。腸鳴。

蠶退 ○醫家多用。初出蠶殼在紙上者。一說蠶眠時。

所退皮。用之更有効。○用之當微炒。○一名馬鳴。

退。

平。

本經云。主血風病。益婦人。近世醫家多用蠶退紙。

而東方諸醫用蠶。欲老眠起所蛻皮。雖二者之用。

各殊。然東人所用爲正。用之當微炒。和諸藥。可作。

丸散服。○日華子云。蠶布紙。治吐血。鼻洪。腸風瀉。